

梅溪王先生文集

十



梅溪先生後集卷第十六

詩

九月十三日離仙林

重日脩門鬢已華 君恩猶未許還家
冰魚聲動推行李 蠟炬向人空自花

過東林

地入東林眼界奇 神仙遺跡在樵皮
湖山如舊無東老 酒為嘉賓釀者誰

郡中久雨入境而霽

積雨喜初霽 湖山清更嘉
船船漁晒網 岸岸稻烘芽
水漲魚蝦樂 年凶道路嗟
人言新太守 頭白似蒼花

六客堂

水晶宮中刺史宅月

堂遊六客中有一客為主人

萬卷詩書李公擇元

揮玉堂手令舉聲蜚制科策

五勸使君古遺直三

郎官老詞伯胥山有客何等人

退之少陵李太白直道高才時不容天遣數子為遊從

吳興清絕山水國五百年過人中龍健峭銀鈎逼顏魯

點化湖山出奇語高壓白蘋洲上詩更肯區區談小杜

端如竹溪逢謫仙並遊逸士名俱傳飄飄乘風鼓長翮

兩兩照坐成台躔蒼雪交流下山碧一代名賢已陳迹

我後百年登此堂咀嚼姓名牙頰香坐上何曾欠佳客

蘇仙一去難再得

送朱仲文運幹還蜀

分閫濫魯游蜀口得朋深喜遇坤爻澹臺至室必公事
平仲與人能久交一葉共乘楚到雲四方相逐愈隨郊
姓名已在諸公齒引類行看似拔茅

君婦應過無喧室我夢遙馳無隱齋帶得江山在詩卷
種成楊柳繫離懷定先春到夔門裏莫遣音疎雲水涯
故舊相逢倘相問為言老欲乞殘骸

讀喻叔奇遊廬山詩

前年我亦到廬山挾屨烟霞縹緲間萬里東歸如倦鳥
不知飛過只知還

路經滄浦嘆忽忽不及從君訪遠公忽見廬山真面目

在君二十一時中

十月晦日會凌季文沈德和二尚書劉汝一大諫
于六客堂

夢寐思賢願與齊一麾來守荆江西星躔舊識尚書履

凌為司

吏封時

玉府曾親太一藜

劉為校書郎

天遣門生

依坐主

試其補戴

公試解

心隨峽水汪蒼溪邦人異日談

遺事名姓應同六客題

沈書和詩再用韻

先生名與卞山齊賤子來歸自壤西自媿蕪葭難倚玉
暫教松柏俯同藜萬言謹論驚天闕八詠高才壓婺溪
柳惲蘇仙舊吟處願陪杖屨徧留題

凌書和詩復用韻

人物堂堂大國齊難窺賜復地東西心才過日即傾簷
身或在山誰采藜隱德猶能及枯骨尚書嘗率衆星枯骨安車行
見起蟠溪後生何幸依先達誤辱山公一字題

劉汝一和詩復用韻

魯酒三盃却到齊詩壇老將勝山西氣餘殿上欲折檻
清見胸中不糝藜聊復亡機對禪榻未應采藥赴洮溪
吾儕會合真天意清絕湖山盡共題

十一月十日會于六客堂者十八宋子飛徐致雲

章茂卿鄧叔厚

登俞仲明許子齊沈虞卿鄭

壽叔酒三行予

詩

六客高風不可追
吾儕生恨百年遲
星光月滿舊游處
簪盞萸開盈數時
訪古已仙圖上鶴
得朋今遇易中龜
吾夫子道欲墜地
不是四科誰與持
坡詞月滿蒼溪照
夜堂五星一老

光華集方欲夫子廟廷貢
院賴諸公表率故末章

汝一和十客詩語及貢院復用前韻

洙四家風尚可追
未應吾道便陵遲
要令士有歡顏地
如見公為舉首時
汝一發薦
于日貢院
山遶蒼溪翻振鷺
水通震澤錫神龜
眼中突兀行將見
大廈端由衆不持

晦日會于六客堂者十二人

湖山清絕多佳士
暇日壺觴得共携
堂上合成前後客
詩中分得建除題
不容閑位叅卿月
坐覺巫山在雲溪

麟閣功名屬公輩老夫惟願把鋤犁

次韻張叔清見寄

名混

太學年時識一夔
婆娑溪摻別越三
朞閩中大府子為
掾
峽內孤城予把麾
去隔關山共明月
歸逢魚鴈寄新詩
茗溪昨夜梅花發
目對清標有所思

次韻林明仲見寄

憶昔相逢未白頭
別來歲月迅如流
自從江左分符去
長念城南載酒遊
君似老松姿耐雪
我猶弱柳葉經秋
梅溪梅嶼不相遠
歸去定乘尋戴舟

貢院上果

清絕湖山映白蘋
羣飛梁棟眼中新
雪花先作曉來瑞

桂魄正圓天上輪夫子廟還元氣象水晶宮發舊精神
書生耽藝真餘事移孝為忠要致身

諸公和詩再用韻并簡沈虞卿教授

來采汀洲柳憚蘋要觀草色賜袍新士由德行首科第
木就方圓在梓輪山峙浮圖聳千物水迎仙子上三神
耽耽廣廈榮暉日應話林泉老病身

寄夔州張君玉撫幹

名珣

天上張公子同僚半載餘令人思灝頌有客泛芙蓉一
自離夔子頻蒙寄鯉魚江山元不遠面目在來書

送張光大咸赴長沙簿

同舍張公子長沙遠宦將讀書真有用謀道了無憂賦

鵬休悲質棲鷲暫屈仇薦章行引類文帥是龍頭

送棋姚子才梓

少年懷橘獻慈親今見黃棋淚滿巾
同舍故人堂有母可能羅帕不分珍

過孺人挽詞周南夫教授母

扁舟昔訪戴逵居早識奇兒骨相殊
不是剡溪能蘊秀祇應蚌腹解生珠
家從機斷知為學身自鷄鳴起奉姑
儒術登科有猶子大書遺懿照龜趺

過從有夏子遺芳作配于周婦德良
目不泛觀惟具葉含無他物有花香
魚軒欲動喜家近烏冢忽婦驚夜長
年右來希子孫足人生如此尚何傷

重刊戒石銘

戒石重刊照眼明良辰又遇臘嘉平雙趺成石黃堂坐

震天威近一點欺心事莫萌

浸淫秋潦壞瘥成忍聽閭閻愁歎聲撫字催科勞更拙
欲進吏責負斯銘

謁顏魯公祠

卞山苕溪高且清魯公祠堂貌如生言言千古英雄在
吉吉一點仙丹成姦臣必欲置之死天下不敢呼其名
當時節義誰可並常山太守公難兄

懷忠堂

霜嚴日烈與時乖前後姦邪屢見排苕霅祠堂境清絕

孤忠千古有人懷

放生池

畏死貪生物我同仁心要在擴而充江湖魚鱉知多少
盡在恩波浩渺中

次韻翁東叟知縣見寄并簡戴俊仲

濫把江東蜀口麾中原入望涕頻揮每嗟風俗媿東晉
晉不與仇讐通那得功名如合肥賢士憂時尚家食聖君求

治正宵衣腐儒老矣身多病日日言歸猶未歸

年時我忝楚東守邂逅君從湖北來携手篇章擬蘇李
論交風義薄陳雷棲遲百里淹賢甚奔走三州覺老催
如見高人戴安道為言吾意最憐才

送師教授

教授師同年自眉山赴闕其西歸也訪某於雪川把酒
六客堂賦詩論文所得為多索詩贈行以姓為韻
同年四百二十六尊酒相逢得我師方喜書來自天目
去冬過矣忽驚人去向峨眉囊開蜀錦留佳句棹拂汀
吉音寄書蘋索惡詩莫道冷官無一物扁舟遙載義風歸
借韻朱文客
死九江教授許以喪歸蜀

用貢院韻寄當塗吳給事明可

某蒙和貢院二詩三復欽歎因思給事昔對樂清某
誤辱知遇縣學落成嘗賦詩百韻以獻回首三紀慨
然于懷復用前韻

鄉校當年與薦蘋蘩莖氣象自公新老成猶滯甘泉橐
晚進叨乘刺史輪陸凱寄梅情愈重謝公夢草句尤神
何時更作龍門客共話樽前見在身

王夷仲校書挽詞

同姓同年友吾心久已降賓王誤第四江夏本無雙刺
不投東閣吟惟坐北窓宵中蘊經濟可惜未施邦

明月雙溪地三年兩度逢君登群玉府我到白鹽峯方
喜書傳鯉俄驚劍化龍公與孺人守符嗟未解執紼恨
無從

仲冬釋奠于學同諸公登稽古閣觀并山望太湖
閣壁上題名誦范文正公吳興先生富道德詵詵

弟子皆賢才之句

吳興學校規模壯安定先生道德崇蒼雪溪同洙泗水
汀洲蘋有藻芹風山知尊道猶端并湖欲依光攷近宮
壁上題名觀尚友諸儒事業聖賢中

次韻錢郎中豫六客堂碧欄堂二絕

六客高風久已無花間誰對謫仙壺
星躔一夕光芒動如有仙舟入畫圖
一樽相對眼俱明細話同僚舊日情
漢世郎官亦華髮恨無詩句以君清

錢再賦二詩復用前韻錢云家無置錫之地寓居
僧舍有為題米疏者

老來官况兩俱無惟有詩情寄酒壺
記取碧瀾堂上語
衣冠早掛亦良圖

無田種秫似淵明却說歸耕似不情
食粥嘗公宜乞米
不妨千載有餘清

送柴常之赴汀州教官

有客神珠玉訪予雲水鄉
虞庠同舍文虎榜甲科郎送
別汀蘋白之官芹藻香
南溟九萬里拭目看翱翔

送朱舜卿赴汀州同戶

家塾將從父賢閑聲譽馳初官
三語掾餘事九章辭子
正強而仕子嗟久矣衰憊言行
所學病慰素相期

二月望日欲勞農于弁山會風雨作遂出南門因

登峴山觀窪尊訪五花亭遺跡晚霽游何山觀讀書堂薄蕙而還

卞山龍欲阻吾行怪雨盲風不肯晴但得出郊脩故事此中亦可勸深耕

天遣吾來此勞農要令遺囑訪顏公雖無二十四賓客詩酒略追前輩風

久欲歸耕竟未歸又吟茗雪勸農詩泥錢腐粟慚無術稼穡艰难或稍知

勞農峴山乘興游何山同行宋子飛泥虞卿霍從周范文質

去秋游道場俯瞰何山路林泉雖在眼未暇飛杖屨塵